

Santakruzak • Galdakao

Jaietan ere, kirolek badute lekua

Nagusientzako bazkari herrikoiaz eta dantzaldiaz gain, mota guztietako kirolak izango dira gaur Galdakaoko kaleetan

Kepa Ugarte | GALDAKAO

Bost jaiegun igaro dira, jada. Baina oraindik badago zertaz gozatu Santakruzetan. Hala ere, festak parranda baino gehiago dira. Kirolari tarte egin behar zaio. Kurutze frontoian jokatu-ko diren pilota partidez gain, saskibaloia, futbol eta boleibol partidak jokatu dira Galdakaoko kaleetan.

Aurreko egunetan bezala, Gurutzeko plazatik abiatuko da kalejira, 13:00ak aldera. Gaur Uriarte, Zabalea, Ibarluze eta Loiolako Inazio Deuna kaleak musika doinu bezala dituzte txistulari eta dultzaineroek. Izan ere, egunetik egunera, ez dute ibilbide berbera jarraitzen musikariek. Ordu erdi geroago, arrapaladan joan beharko dute Gandasegi ikastetxeke patioan bildutako ume guztiek, buruhandiak atzetik izango baituzte.

Aiton-amonentzako bazkari herrikoia eta dantzaldia

Gaztetxoek aukera ezin hobea daukate Galdakaoko jaietan ondo pasatzeko. Baina aiton-amonak ere gogoan dituztela agerian utzi nahi izan dute Santakruzetako jai batzordekoek. Hori dela eta, hirugarren adinaren jaia antolatu dute Zuatzuko kiroldegian. Bertan bildutakoek bazkari herrikoian sabela betetzeko aukera izango dute, 14:00etatik aurrera.

Bapo bazkaldu ostean, dantzari sena erakutsi ahal izango dute nagusiek. Atzo, Agirre Lehendakari plazan izandako dantzaldiaren ondoren, gogorik edukiko dute gaur ere dantzan jarraitzeko? Noski, nekaezinak dira gure aiton-amonak.

Etxean bazkaldu dutenek kirola egiteko aukera izango dute. 16:00etatik aurrera, VIII. Bolei-



EGUNKARIA

Adineko herritarrek elkarrekin bazkaltzeko aukera paregabea izango dute gaur.

AITON-AMONENTZAT

Hirugarren adinaren jaia egingo da gaur Zuatzuko kiroldegian. Herri bazkaria eta dantzaldia izango dira bertan

bol 2 Txapelketa izango da Ganekogorta kalean. Galdakaoko Boleibol Taldeak antolatuta, bi egunez luzatuko da lehiaketa. Ordubete geroago, saskibaloia- ren txanda izango da. Atzo kadeetee jokatu zuten, eta gaur gazte mailakoak arituko dira Gurutzeko plazan, Ibaizabal

Saskibaloia Taldearen eskutik. Santa Barbara futbol zelaian, berriz, futbol partidua jokatu da, 18:00etatik aurrera.

Gaztetxoak saskibaloian jokatzen ari diren bitartean, txikiak ere edukiko dute zerekin denbora eman. Arratsaldeko 17:00etan, Muguruko Landan bildutako haurrek Olinpiada Txikian parte hartzeko aukera izango dute. Izan ere, Lagun Onak taldekoek joko dibertigarriak prestatu dituzte txikiak ondo pasatzeko.

I. Gurutzeko Pilota Txapelketa

Aurreko egunetan bezala, Bizkaiko jota ikastaroa egingo da

Andra Mari Dantza Taldearen lokalean. 19:00etatik aurrera, taldekideen laguntza izango dute bertara joandakoek. Ordu berean, Kurutze frontoian bilduko dira pilotazaleak. Adiskide Pilota Elkartek antolatuta, Gurutzeko Pilota Txapelketari hasiera emango zaio. Aurten aurreneko aldia da antolatzen dutena eta, bihar ere, partidak izango dira. Pilota festari ostiralean jokatu diren punta-puntako pilota partidekin emango zaio amaiera.

Afari gozoaren ostean, pelikula bat ikustea bezalakorik ez dago. Pantaila handia gogoko dutenek ez dute sosik ordaindu

beharko Galdakaon. Gaueko 22:30etik aurrera, zinema emanaldia egingo da aire zabalean. Santi Brouard plazan bildutakoek *X Man* pelikula izango dute ikusgai.

Gau guztiak ez dira hain lasaiak izango. Biharkoa musika doinu bezala egongo da. Txosna kolektiboak antolatuta, jaialdia eskainiko dute herriko musika taldeek Ardanza Lehendakari parkean. Bertan, Biok, Kalte, Preach eta Noraezean arituko dira, 22:00etatik aurrera. 23:30ean, berriz, Los Palmeras taldeak dantzaldia emango du, Agirre Lehendakari parkean.

EGITARAUA**GAUR**

13:00: Kalejira txistulari eta gaiteroekin. Ohikoa denez, Gurutzeko plazatik abiatuko dira eta J. B. Uriarte, Zabalea, Ibarluze eta Loiolako Inazio Deuna kaleetatik ibiliko dira goizean zehar.

13:30: Buruhandiak Gandasegi ikastetxeke patioan.

14:00: Hirugarren adinaren jaia egingo dute Zuatzuko kiroldegian. Bertan, bazkari herrikoia eta dantzaldia egongo dira, besteak beste.

16:00: VIII. Boleibol 2 Txapelketa, Ganekogorta kalean, Galdakaoko Boleibol Taldeak antolatuta.

17:00: Olinpiada txikia Muguruko Landan, Lagun Onak taldearen eskutik.

17:00: Gazte mailako saskibaloia partidak, Gurutzeko plazan, Ibaizabal Saskibaloia Taldearen laguntzaz.

18:00: Futbol partida Santa Barbara futbol zelaian, C.D. Galdakaok antolatuta.

19:00: Bizkaiko jota ikastaroa Andra Mari Dantza Taldearen lokaletan.

19:00: I. Gurutzeko Pilota Txapelketa, Kurutze frontoian, Adiskide Pilota Elkartek antolatuta.

22:30: Zinema aire zabalean. *X Man* filma ikusteko aukera izango dute Santi Brouard plazan bildutakoek.

EGUNEROKO
MENUA
1000 Pzta.

Asteburuetan afariak enkarguz

Muguru, z/g - Tel.: 94 456 18 53
GALDAKAO

SS ZIRIPOT TABERNA SS

Zoriontsua izateko
Zer duzu beharrezkoa?
Jateko bokadilloa
Musika goxo ta beroa
Bilatzen duzun giroa

Gipuzkoa, 9 (Somera) Galdakao - ☎ 94 457 04 49

ALAI TABERNA
Hau bai martxa
Santi Brouard plaza, 3 - GALDAKAO

ZURICH-ASEGURUAK IPIÑA

Aseguratzaile Taldea Aholkularitza kontablea eta fiskala

SOLABARRIETA ASEGURU AGENTZIA

Zamakoa, 15 - ☎ 94 456 61 40 - GALDAKAO

aiko BAR

94 456 85 64